



Inatsisartunut ilaasortamut
Pipaluk Olsen
Demokraatit

22-08-2025
Suliap normua
2024 - 10523
Allakkap ilisarnaataa
25657158

Postboks 260
3900 Nuuk
Oqarasuaat (+299) 34 50 00
Nassitsigasuaat (+299) 34 66 66
E-mail: lian@nanoq.gl
www.naalakkersuisut.gl

Suli atualinngitsunut suliassaqaarfimmut tunngatillugu §37 naapertorlugu apeqqummut nr. 065-imut akissuteqaat

Asasara Pipaluk Olsen.

Apeqqutitut qujanaq. Apeqqutit tullinnguuttut ataasiakkaarlugit assilineqaarsimapput, akissutit tulluqarlutik.

1. Ulluunerani neqeroorutit nutaat suut Naalakkersuisut neqeroorutissatut pilersippaat Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisaata 1. Januar 2024 atuutilernerata kingorn? a. Perorsaanermut suliaqarnernut malittarisassat nutaat suut inerisarneqaarsimappat atuutilerneraniit massakkumut?

Akissut: Naalakkersuisut perorsaanikkut suliaqarnermut nutaanik malittarisassiornikuunngillat.

2. 2. Kommunit arlaanniit, Naalakkersuisunut qinnuteqartoqaarsimava meeqqanut suli atualinngitsunut misiliutitut aallartiterusuttunik?

a) Taamaassimappat paasissutissiissutigeqquneqarpoq misiliutit suut, pineqarnersut taakkulu aamma suna siunertarineraat.

Akissut: Naalakkersuisut suli atualinngitsunut suliassaqaarfinni misileraalluni aqqissuussinernik aallartitsinissaq pillugu qinnuteqaatinik tigusaqarnikuunngillat

3. Naalakkersuisut kommunimut ataatsimut arlalinnuunniit perorsaanermik allaffissornermillu suliaqartut piginnaasaannik qaffassaatisatut periutsinik sakkussanillu misiliutitut pilersitsinissamut suliniuteqarnissamik aallartitsisimappat?

a. Taamaassimappat paasissutissiissutigeqquneqarpoq, suliniutit suut, pineqarnersut.

b. Taamaassimangippat paasissutissiissutigeqquneqarpoq suliniutissanik eqqarsartoqarnersoq aammalu taakku suunersut.



Akissut: Perorsaanikkut allaffissornikkulluunniit suliaqarnerup atuuttup pitsanngorsarnissaa siunertaralugu aaqqissuussanik sakkussanillu misileraalluni aaqqissuussinernik pilersitsiniarnermut kommunimik ataatsimik arlalinnilluunniit suleqatigiinnermik aallartitsisoqarsimanersoq pillugu Naalakkersuisut ilisimasaqarfiginngilaat.

4. Naalakkersuisut kommuninut ilisimatitsissuteqarnissamut qanoq iliorsimappat meeqqanut suli atualinngitsunut piffinni naleqqussaanissamut annertunerusumik pitsaanerusumillu periarfissiinissamut aammalu piffinni misiliutitut ingerlatsinissanut?

Akissut: Naalakkersuisut suliniutinik nalinginnaasunik Isumaginninnermut Aqutsisoqarfirmi inissisimasunik naleqqussaanermik ingerlaavartumik suliaqarput, taamaaliornikkut suliassaqaqfirmi periuseq atuuttoq naapertorlugu suli atualinngitsunut suliassaqaqfik ingerlaavartumik ineriartortinneqarpoq.

5. Naalakkersuisut Nunatsinni Perorsaasut Kattuffiat qanoq akuutissallugu eqqarsaatigaat meeqqanut suli atualinngitsunut pitsaanerpaamik suliniarnissamut tunngatillugu?

Akissut: Ulluunerani neqeroorutitut suliassaqaqfiup iluani, piginnaanngorsaanermik kiisalu ulluunerani neqeroorutitut suliassaqaqfirmi atugassarititat pillugit qaninnerusumik aaqqissuussaanerusumillu suleqatigiinnikkut Nunatsinni Perorsaasut Kattuffiata akuutinneqarnissaa Naalakkersuisut isumaliutersuutigaat.

6. Naalakkersuisut oqaluuserisamut soqutiginaatilinnik allanik paasissutissiisinnaanerlutik?

Akissut: §37 naapertorlugu apeqquteqaammut nr.067-2025-mut akissut innersuussutigalugu Naalakkersuisut ulluunerani neqeroorutitut suliassaqaqfirmi qaangerniagassat ilisimaarivaat, kommunimik peqataasunillu allanik pingaarutilinnik, soorlu NPK-mik aamma angajoqqaanik, sukumiisumik oqaloqatigiinnikkut suliassaqaqfiup suli ineriartortinnissaanik kissaateqarput. Borgmesterinik innuttaasunillu naapitsiniarluni sinerissami angalaneq aallartinneqarsimavoq, meeqqat, inuusuttut taakkualu ilaqutaat qanoq innersut oqaloqatigiissutigineqarnissaat angalanermi siunertarineqarpoq.

Tamatuma saniatigut piffissami 2020-2023-mi Kalaallit Nunaanni meeqqanut inuusuttunullu atugarliortunut pitsaanerusumik suliniuteqarnissaq pillugu kalaallit qallunaallu oqartussaasoqarfiisa assigiinngitsunik suliallit akornanni suleqatigiinnerannut atatillugu Kalaallit Nunaat tamakkerlugu ulluunerani neqeroorutini sulisut 800-t missaanniittut pikkorissarneqarlutillu piginnaanngorsarneqarput, tassani siusissukkut nassaarniarneq meeqqallu sumiginnarneqartarnerannik pinaveersaartitsineq immikkut ittumik qitiutinneqarsimapput.

Inussiarnersumik inuulluaqqusillunga

Mads Pedersen